



**ELABORAT „IZVIĐAČKI SUSRETI“ TEŠANJ 2024**

## O NAŠEM GRADU

Tešanj se ugnijezdio među brdima uz rječicu Tešanjku, na 230 metara nadmorske visine, sa blagom umjereno-kontinentalnom klimom, između centralne i sjeveroistočne Bosne i Hercegovine. U Tešanj morate doći. Kroz Tešanj se ne prolazi.

**Stari grad** – Gradina, jedna je od najvećih (6.296 kvadratnih metara površine) i najznačajnijih objekata te vrste u BiH. Tačno vrijeme njene gradnje nije poznato. Dugo je građena i dograđivana. Sa čaršijom čini jedan skladan ambijentalni prostor bosanskog stila.

**Sahat – kula** - sagrađena je u 17. vijeku ispod starog grada Tešnja i jedna je od ukupno 21 sahat kule sagrađene u BiH. Visina sahat – kule je oko 18 metara, a sahat radi i danas.

**Čaršijska (Gazi Ferhad-begova) džamija** - koju je negdje 1564. godine sagradio Ferhad-beg, nalazi se u centru Tešanjske čaršije. Graditeljska cjelina se sastoji od džamije i harema sa Ferhad-begovim nadgrobnim spomenikom.

**Eminagića konak** - se nalazi u središtu grada, u blizini tešanjske čaršije. Predstavlja jedan od najstarijih, a ujedno i najljepših objekata stambene arhitekture Tešnja.

**Stari grad** – Gradina, džamija Ferhadija i Eminagića konak su odlukom Komisije za očuvanje nacionalnih spomenika proglašeni nacionalnim spomenicima i nezaobilazna su destinacija za sve turiste i posjetioce koji dođu u Tešanj.

U svojoj bogatoj povijesti, sa Gazi ferhat-begovim mezarom i džamijom danas na listi nacionalnih spomenika Bosne i Hercegovine. Pored njih, grad svoje zapise čuva u Biblioteci, Muzeju i Centru za kulturu i obrazovanje, koji su na raspolaganju, a u Tešnju je i mezar Muse Ćazima Ćatića.

Grad je neobično miran, uređen i čist, a minareti sa džamija, te crkveni tornjevi koji nisu rušeni u posljednjem ratu, pokazuju da je ovo grad suživota i tolerancije.

Ljudi zbog kojih morate doći, a tad ćete dolaziti ponovo i opet.

Odred izviđača „Crni vrh“ Tešanj organizuje 13. tradicionalno takmičenje pod nazivom „Izviđački susreti“ Tešanj 2024. koje će se održati **11.05.2024.** u Tešnju.

Na takmičenju mogu učestvovati najviše dvije ekipe iz jednog Odreda.

Ekipe se sastoje od **4 člana poletaraca i pčelica i slobodnog spolnog sastava** uzrasta do navršenih **11 godina**.

Ekipe koje u svom sastavu budu imale članove starije od **11 godina** bit će sankcionisane oduzimanjem bodova, i to 50% od ukupnog broja osvojenih bodova.

Svi učesnici su dužni doći u Tešanj ( OŠ „Huso Hodžić“) do **09:30 h, 11.05.2024.** godine.

### **SATNICA TAKMIČENJA**

**09:30** - Dolazak ekipa

**09:30 – 10:00** – Prijave ekipa i pripreme za otvaranje takmičenja

**10:00 – 10:15**– Svečano otvaranje takmičenja

**10:15 – 15:30**– Takmičenje

**15:30 – 17:00** – Fakultativni obilazak grada

**17:00 – 17:30** – Proglašenje pobjednika i zatvaranje takmičenja

### **OBAVEZNA OPREMA**

Lična i kolektivna oprema se boduju i utiču na konačni plasman ekipe.

#### **LIČNA:**

- Izviđačka uniforma
- Izviđačka marama
- Izviđačka knjižica
- Zdravstvena knjižica
- Kišna kabanica

#### **KOLEKTIVNA:**

- Pribor za crtanje
- Prva pomoć
- Zastava odreda

#### **PREDZADATAK** (predzadatak se boduje)

- ekipa treba donijeti magnet sa motivom grada iz kojeg dolazi 😊

#### **ISHRANA**

- Ekipa pratilac ekipe prilikom prijave dobija obrok i vodu.

#### **ŠTAB TAKMIČENJA**

Starješina takmičenja: Mujo Pobrić

Pomoćnik starješine takmičenja: Mirsad Hatibović

Načelnik takmičenja: Emina Ramić

Predsjednik takmičarske komisije: Ehlimana Pobrić

Delegat takmičenja: ...

Načelnik za kontrolore: Adis Iriškić

Medicinsko osoblje: Jasminka Katavić

Domaćin: Ibrahim Dubošlić

## **ZADACI NA STAZI**

- 1. PRONALAZAK KONTROLNIH TAČKI NA STAZI**
- 2. TEST IZVIĐAČKOG I OPŠTEG ZNANJA**
- 3. PIKADO**
- 4. ČVOROLOGIJA**
- 5. PUTNI ZNACI**
- 6. PRVA POMOĆ**
- 7. PANORAMSKI SNIMAK**
- 8. POLIGON SPRETNOSTI**
- 9. ZADATAK IZNENAĐENJA**

## **POJAŠNJENJE ZADATAKA**

### **1. PRONALAZAK KONTROLNIH TAČKI NA STAZI**

Učesnici će dobiti mapu grada po kojoj se trebaju kretati da bi pravilnim redoslijedom pronašli kontrolne tačke. Za svaku tačno pronađenu tačku ekipa dobija 10 bodova.

### **2. TEST IZVIĐAČKOG I OPŠTEG ZNANJA**

Test se sastoji od 10 mix pitanja. Svaki tačan odgovor se vrednuje sa 5 bodova.

### **3. PIKADO**

Svi takmičari bacaju 3 strelice. Zbir svih pogodaka je ukupan broj bodova.

### **4. ČVOROLOGIJA**

Svaki član vezuje i razvezuje po 2 čvora (svaki tačno svezan i razvezan čvor se boduje sa 10 bodova). Mogući čvorovi : skraćivaljka, ambulantni, mrtvi čvor, vrzina petlja, prijateljski, ribarski, vatrogasni, policijski, zastavni.

### **5. PUTNI ZNACI**

Svi članovi ekipe izvlače po 2 kartice sa nacrtanim putnim znakom. Pogođen putni znak nosi 10 bodova.

### **6. PRVA POMOĆ**

Ekipa odrađuje praktičan zadatak iz prve pomoći. Maksimalan broj bodova iznosi 50 bodova.

## **7.PANORAMSKI SNIMAK**

Zadatak ekipe je da nacрта zadati objekat grafitnom olovkom. Estetika, tačnost i urednost su veoma bitni faktori vrednovanja. Maksimalan broj bodova je 50.

## **8.POLIGON SPRETNOSTI**

Poligon spretnosti se sastoji od kombinacije igara spretnosti(trčanje na tri noge, trčanje u vreći, ...). Najbrže vrijeme boduje se sa 50 bodova, drugo vrijeme 45 bodova, treće vrijeme 40 bodova, ostale ekipe 30 bodova.

## **9.ZADATAK IZNENAĐENJA**

Detalje saznajte na kontrolnoj tački 😊

## **NAGRADE**

Pehari i diplome za osvojeno prvo, drugo i treće mjesto, zahvalnice za učešće na takmičenju.

## **Odred izviđača "Crni vrh" zadržava pravo promjene propozicija.**

Molimo vas da se, u izviđačkom duhu, pridržavate svih navedenih uputa propozicija takmičenja, ali i uputa kontrolora na samom takmičenju. Svako nedolično ponašanje bit će sankcionisano.

Prijave ekipa(na priloženom obrascu ispod) slati na:

- [oiicrnivrhtesanj@gmail.com](mailto:oiicrnivrhtesanj@gmail.com)

Za više informacija se obratite na telefonske brojeve:

**Pobrić Mujo(starješina odreda): 061/794-674**

**Prijave slati najkasnije do 03.05.2024.**

**Prijavom do 26.04.2024. ekipa dobija dodatnih 50 bodova.**

Radujemo se Vašem dolasku na takmičenje "Izviđački susreti" Tešanj 2024 i očekujemo vas.

**IZVIĐAČKI POZDRAV !**